

安徽府縣志輯

中國地方志集成

中國地方志集成(二)

中國地方志集成

安徽府縣志輯 ③

光緒續修廬州府志(二)



江蘇古籍出版社 ● 上海書店 ● 巴蜀書社

光緒續修廬州府志(二)



(清)	(清)
汪	黃
宗	雲
沂	修
纂	

續修廬州府志卷三十七

花翎道銜江南安徽廬州府知府清泉黃 雲總修
忠義傳三

國朝

柯雙廬江人爲邑邏卒順治三年冬流賊尙出沒舒廬
閒雙夜巡城至城關東北隅忽大呼賊至守城人役驚
起見雙頭顱已碎不見賊也次早謀知賊夜從數十騎
由冷水關去蓋其時賊有潛入城者見爲雙覺急殺之
繼而出知縣周迓祥葬之城隍廟前爲文祭之

通志

王承業字祥宇號瓊山廬江人少雄傑有異才初隸豫
王麾下陳將軍積二十年稍授偏裨康熙二年從平金
續修廬州府志卷三十七 忠義傳三

卷三十七

忠義傳三

一

厦兩島擢潮州中營游擊歷陞副總兵庚申平吳三桂
特授援勦廣西雲貴中鎮總兵官時三桂姪世琮率十
萬眾分屯黔粵要害而結中堅於南甯山承業設奇倚
角奮勇入其陣世琮遂成擒自陶鄧山柳州石門坎安
籠所黃草壩曲靖府抵雲南會城大小三十餘戰賊每
覬王將軍旂幟輒相誠引避王戊春官軍會勦雲南城
承業單騎持鞭爲諸將先薄城下礮傷墜馬猶裹首持
雙刀殺賊百餘賊攢槊刺殺之事聞贈右都督

賜葬銀一千一百兩

命官致祭廕子良駿守備雍正五年奉

旨入忠義祠乾隆六十年襲其七代孫師曾爲恩騎尉奉其祀

嘉慶志

劉承恩字公亮廬江人年二十從戎哨海口有功歷官
廣東潮州副將從征吳逆以功陞廣西後營總兵都督
僉事大小三十餘戰所向披靡復永淳等處皆有功後
以力戰陣亡康熙三十年開查功績登一統志乾隆二
十六年祀昭忠祠襲六代孫爲恩騎尉奉其祀

通志

汪維祚廬江人湖北試用縣主簿咸豐二年奉委解餉
遇賊殉節奉

旨贈鹽運司經歷銜

通志

鮑豐基字詩臣廬江人六品銜庠生原籍舒城善音律
喜任俠嘗捐貲獨置水機一架聞火警輒短褐草履親
率子姪僕輩奔救必撲熄乃止咸豐三年起練助吳廷
香攻克縣城賊旋來撲以糧匱城陷力戰死之事聞得
續修廬州府志卷三十七 忠義傳三

卷三十七

忠義傳三

二

旨卹入總祠總坊給雲騎尉世職

縣志

吳鑑盤號銘之廬江人增生性剛直爲學刻苦自勵道
光中水災迭見嘗出穀賑饑咸豐三年九月逆酋孟汝
建糾數萬眾自安慶來犯邑城道經黃泥河鑑盤率練
截擊眾寡不敵賊搜得練名冊乃按冊索之至鑑盤宅
鑑盤衣冠端坐中堂賊脅之降厲聲曰吾清白士知殺
賊不知降賊也賊怒斷其指神色自若割其舌猶喃喃
罵不絕口遂炮烙死賊以其首倡團練復寸磔其尸文
生麗光勲亦不屈被難同死者四百七十七人鄉人立

祠祀焉後經兩江總督馬新貽奏給雲騎尉世職縣志

周啟發廬江人少有豪氣廢讀書騎射嘗聽人講論忠

節事輒動容咸豐初粵逆陷城遂矢志殺賊尋棄家投

撫標積功保至藍翎都司巡撫福濟檄回籍辦團練並

規賊蹤至冷水關被執逼吐大營軍情不應賊遂燒巨

燭炙兩臂慘酷備至不洩半語賊又誑以直告赦不殺

啟發瞋目叱曰吾豈懼死之人哉殺則殺耳何必多言

賊怒射殺之同行八品銜王必達洪志仁不屈亦被害

采訪冊

凌時安廬江人衛千總寓江甯咸豐三年城陷脅充僞

職不從死子普保同死縣志

續修廬州府志卷三十七忠義傳三

高彬廬江人監生成豐三年賊入境衣冠端坐罵賊死

縣志

錢泰生廬江人勇目咸豐三年邑城陷戰死又有陳祖

勲是年在三河勦賊陣亡縣志

朱寶五廬江人咸豐三年遇賊不屈剖腹死縣志

朱必璜童僕持戴作傭王立垓潘廷周均廬江人業儒

咸豐三年團練禦賊陣亡縣志

吳廷香字奉璋號蘭軒廬江人少聰穎植學踐行嘗慨

然有用世之志咸豐元年以優貢生舉孝廉方正未入

都而粵賊陷安慶逆民乘機竊發廷香毀家籌費募練

勇千人會邑令徐竑擒斬其魁亂乃定賊既據安慶分

黨四犯巢縣無爲廬江相繼陷廷香走大營請兵不可

得躬募勇千餘人與文生盧堃前邑外委熊允升率之

密約內應盡殺守城賊遂復城時四年八月三十日也

城既復賊狎至復環攻城廷香用少擊眾屢有斬獲會

開化勇五百人至廷香乞貸以給勇糧賊眾益盛自江

路進糧盡開化勇有去志廷香留之泣下成血皆感其

義仍堅守至二十七日城復陷廷香挺劍巷戰與盧堃

熊允升均死之事聞奉

旨准建專祠給世襲雲騎尉子長慶從戎江浙同治元年旋里

募勇賊大股忽至卽以其勇却之巡撫英翰以長慶又

有全城功復請

有全城功復請

續修廬州府志卷三十七忠義傳三

旨優卹贈廷香四品卿銜以子長慶官贈振威將軍戴鈞衡文

鍾業銅字振春號瑤圃廬江人監生事母以孝聞嘗到

股療母疾咸豐三年賊陷安慶業銅毀家團練保全鄉

里四年秋城陷業銅起義練勇攻復邑城擒賊首盡滅

其黨賊虜果環攻城復陷業銅與練勇陳自起朱有貴

李長貴等巷戰死得

旨優卹入祀昭忠祠陳自起等均附祀通志

盧堃字佩鸞號鯉門廬江人文生幼孤事母以孝聞性

耿直言行不苟咸豐四年團練復城督勇固守時出奇

兵擊賊久之以糧匱援絕復陷堃堵南城巷戰力竭被

獲賊支解之焚其屍死狀最慘贈訓導給雲騎尉世職

通志
采訪冊

鮑雲鵬字扶九廬江人原籍當塗性方剛尚氣節年十六補博士弟子員淹通經史道光十一年邑屢水災倡捐助賑咸豐三年粵逆陷皖垣縣境濱湖一帶土匪聚眾劫商船雲鵬應邑令徐茲召助繕戰具率練往擊擒斬盜魁餘黨乃散是冬城陷四年雲鵬倡義集團傾產募勇并遣子灼走廬州大營乞兵會剿巡撫福濟密令相機以進遂會同吳廷香等於八月晦攻克巨城生擒逆首任大剛越數日桐城踞賊來犯雲鵬以戰爲守中途逸擊屢獲勝賊復自安慶擁數萬眾趨援前隊抵西鄉五里橋雲鵬卽整軍迎敵或以緩戰阻雲鵬不可續修廬州府志卷三十七忠義傳三

五

集敢從士千人銜枚疾走出賊不意擊之賊大潰身先士卒徒步追殺至烟墩伏起舉旗麾進塵戰移時賊眾四面合圍練勇漸沒於陣雲鵬身被數十創猶振臂奮呼拔短刀刺殺多賊力竭陣亡賊擒知雲鵬倡義復城支解其尸以洩忿情極慘烈事聞得

旨從優照四品官以下例卹祭葬銀百兩建專祠並祀昭忠祠

給雲騎尉世職以子灼官贈中憲大夫

縣志

胡祖謙號雨香廬江人稷之子官工部屯田司員外郎道光間水災倡捐辦賑多所全活咸豐三年粵賊陷安慶祖謙詣當事籌城守倡義團練迫賊入城紳民四散祖謙獨不去遇賊大哭賊將刃之有識祖謙者給賊曰

是病顛耳拽之出得不死明年賊退祖謙約眾至城函請縣令來守城不至遂自駐守賊繼至祖謙不及備脅降不從被審擊無完膚罵益烈賊械送安慶逼之降祖謙謂世受

國恩束手死有餘恨矣何降爲終不屈被拘禁死年六十一有二子元釗譏敘從九品亦死之得

邑賜卹給雲騎尉世職

通志采訪冊

楊春森廬江人議敘八品咸豐四年城陷罵賊遇害僕朱慶榮救主亦死之

王明賢廬江人監生成豐四年率練禦賊煙墩陣亡

陸國位廬江人六品軍功咸豐四年帶練守城城陷同

續修廬州府志卷三十七忠義傳三

六

陸開榜均死之

縣志

畢鳴岐廬江人監生成豐四年率練禦賊被執刎足死

縣志

吳道珍廬江人咸豐四年負母避難賊至母子不屈俱

遇害

縣志

孫貴宗廬江人咸豐四年賊至守母極不去遇害

縣志

董在奔趙大可俱廬江人咸豐四年團練勦賊陣亡

縣志

趙得高廬江人咸豐四年守城經管火藥城陷不屈遇

害

縣志

孫廣勲廬江人咸豐四年團練守城城陷闔家殉難

縣志

王運培廬江人咸豐四年城陷罵賊死妾吳氏抱子七

一以殉縣志

何先珣廬江人工書法咸豐四年賊執令書大旗不從

殺之縣志

張道風廬江人咸豐四年賊竄黃泥河被執逼降罵賊

死縣志

柯昭和柯昭熙廬江人咸豐四年在黃泥河隨練禦賊

陣亡縣志

夏玉才廬江人咸豐四年被執脅降不屈死縣志

盧德鄰盧德懷廬江人咸豐四年隨練在煙墩勦賊陣

亡縣志

袁獻文楊寶香徐泰廬江人咸豐四年均守城戰死縣志

續修廬州府志卷三十七 忠義傳三

七

劉禮春楊繼清余步鰲龐文斗姚長敬均廬江人咸豐

四年在煙墩勦賊陣亡縣志

鄭克明廬江人咸豐四年城陷賊偵知爲練首捕而殺

之子長有奔救亦遇害縣志

孫秉良廬江人咸豐四年賊竄境令曰有不蓄髮者斬

良獨薙髮賊見而詢之厲聲曰甯做斷頭鬼不爲蓄髮

人遂遇害縣志

孫冠羣廬江人監生咸豐五年賊脅不屈死縣志

姚繼鐸廬江人庠生咸豐五年賊至端坐罵賊死縣志

曹南山廬江人咸豐五年團練禦賊陣亡縣志

程榮起廬江人咸豐五年隨練擊賊被執不屈死縣志

程甫義廬江人咸豐五年勸父被害擊賊力竭死縣志

黃理玉廬江人咸豐五年賊脅不從遇害屍拋白湖縣志

孫在朗廬江人咸豐五年遇賊不屈剖腹死縣志

高戴廬江人太學生果敢有豪氣咸豐三年粵逆踞境

投効軍營積功保五品銜六年夏提督和春進勦白石

山賊於竹青山堅築營壘爲後路戴與軍功王必壽等

率練攻擊持久不克賊援大至戴陷陣受創力戰死之

王必壽夏福許正發被執罵賊抽腸支解死許長發亦

戰死同時練勇死者三百餘人縣志

高榮求廬江人咸豐六年助守邑城城陷罵賊死子載

芳謀雪父讐事洩亦遇害縣志

續修廬州府志卷三十七 忠義傳三

八

陳業煥廬江人文生咸豐六年帶練守城城陷巷戰死

之縣志

洪正啟廬江人監生咸豐六年團練助克縣城城復陷

戰死縣志

沈必發廬江人六品軍功咸豐六年率練攻勦竹青山

賊壘臨陣被執支解死縣志

黃福蘭廬江人從九咸豐六年率練攻勦三河賊壘不

克死之縣志

張昌運廬江人從九咸豐六年投効軍營三河陣亡縣志

張光裕廬江人監生咸豐六年帶練勦賊陣亡縣志

張邦莫廬江人從九咸豐六年率練禦賊練潰死之縣志

顧祖廬江人監生北圩練首咸豐六年在甯國糧臺差遣城陷殉難縣志

王會圖廬江人文生成豐六年賊至憂憤雉經死又文生馬國秀賊至憂憤投水死縣志

錢恒業廬江人咸豐六年帶練攻勦竹青山賊壘臨陣身受三十七刃死又許美順許坤壇同死竹青山役縣志

葉成連廬江人勇目咸豐六年臨陣被執不屈死之焚其屍又徐觀淵同姪長植長椿均死難椿子裕炳得屍大慟亦投水死縣志

徐連廣廬江人咸豐六年賊隊過境率練邀擊練潰死之又計遠富罵賊賊怒以火槍擊死縣志

續修廬州府志卷三十七忠義傳三 九

梅春發廬江人咸豐三年毀家團練保衛鄉里七年賊至初掠里人張明發家春發率練丁救護奮與賊鬪賊攢刺之身被數十創罵不絕口賊穿其喉死明發亦被害縣志

沈鑾廬江人監生成豐七年李續賓督帶楚軍自皖桐進攻廬州之三河鑾團練鄉民助戰軍敗鑾亦陷陣死年四十四歲縣志

潘志貴廬江人六品軍功咸豐七年帶練守城城陷同王添成許鍾山戰死縣志

張延寬廬江人七品軍功咸豐七年率練守城城陷被執脅降不屈死又千總歐民先同六品軍功歐鳳先在

六州巡河陣亡縣志

夏鼎臣廬江人文生成豐七年城陷闔家殉難又監生程蔭生罵賊死縣志

陳玉龍監生夏雨田份生廬江人均於咸豐七年被執脅降不屈死之縣志

盧林廬江人從九咸豐七年率練應戰舒廬踞賊陣亡縣志

鍾家泰廬江人咸豐七年賊掠其父乞以身代賊怒殺之縣志

許長青廬江人咸豐七年助守無爲州城陷陣亡又蔡廷義投効桐城大營赴援本邑陣亡縣志

續修廬州府志卷三十七忠義傳三 十

吳道新廬江人咸豐七年自外歸見賊拷其母奮擊賊力竭死妻與子同死縣志

李明發廬江人咸豐七年臨陣被執不屈刎足死又徐成先隨練勦賊中鏢死江起鳳團練勦賊奮勇爭先力竭死之程增榮同弟增福率練擊賊於城東五里墩俱陣亡袁盛富隨練禦賊身被重創死之黃聚才賊脅降不從偕妻鄭氏同死縣志

何得勝汪用武甯從化廬江人均於咸豐七年殺賊陣亡又金道高董克寬王可仕談宏川均被執脅降不從罵賊死孫貴根章宏寬沈茂才汪茂雲汪應太俱被執罵賊遇害宛啟運夏德明查金好宋其章李自明張春

喜張義樹俱死難縣志

張國士廬江人童生咸豐七年負母逃難中途被賊截

殺縣志

李長松廬江人並姪李大才咸豐七年遇賊脅從不屈

死縣志

張大訓廬江人居小姑圩讀書困場屋家居教讀循循

善誘弟子入泮者甚多鄉人感而化之性直而和排難

解紛恤貧憐老道光年間每歲洪水破圩督築圩堤數

次所全者大咸豐三年賊匪入境督辦鄉團防護閭里

五年提督和春飭籌辦柴米夫草得無誤六年隨同克

復三河鎮給六品頂戴八年六月李續賓勦三河以大

續修廬州府志卷三十七忠義傳三

訓帶團爲向導及軍敗大訓殉難尚未請卹同治十年

覃恩以其子壻署江蘇淮揚海道王疊翎官贈賁資政大夫

冊縣志

汪宗泗廬江人文生咸豐八年奉諭團練助勦三河臨

陣被執不屈死給雲騎尉世職通志

顧尚發廬江人儘先千總咸豐八年從征深水唐口鎮

陣亡把總歐陽承先同弟藍翎千總民光隨營轉戰無

爲潛山太湖等處有功勦賊俱陣亡文生張泗澤從練

勦賊陣亡縣志

熊志成廬江人監生咸豐八年賊逼充偽職不從自刃

其腹死武生張映房賊至因親老不忍去被執不屈死

監生王佐才罵賊死夏甲彪被執脅降不從死趙應厚

賊脅其母奮擊賊力竭死母亦殉節縣志

趙孟賢廬江人咸豐八年同叔孔義孔德弟孟林孟康

孟哲被執不屈同時殉難縣志

鄭俊美廬江人咸豐八年以官兵攻三河同子廣桂隨

飯餉兵賊猝至俱遇害縣志

趙孔瑞字修庵廬江人咸豐八年賊脅降不從被殺縣志

補遺

東步林廬江人咸豐八年從練攻勦三河被執剖腹慘

死縣志

計蕙林廬江人議敘八品咸豐九年隨營勦賊陣亡又

續修廬州府志卷三十七忠義傳三

藍翎把總楊玉元隨征陣亡五品軍功高仰止同鮑國

香遇賊被執脅降不屈俱遇害縣志

徐登榜廬江人監生咸豐九年賊脅充偽職情迫罵賊

投水死五品銜譚傳讀從營陣亡鄉飲介賓張千壽性

耿直罵賊死鍾廷璧聞官兵至集團爲鄉導謀渡同子

成美俱遇害盧升林賊脅不從以被繫縛樹上焚死

劉條舉被執不屈梏掠死縣志

褚銀山鍾崇發廬江人咸豐九年團練勦賊又王世餘

李鳳鳴陸長有從練助勦俱陣亡縣志

時自純洪克行王錫傳廬江人咸豐九年賊至俱不屈

遇害縣志

畢振長畢才俱舉才有畢自發畢才松舉才富畢才義畢才祿畢從周俱廬江人咸豐九年賊至脅降不從同

日死難

縣志

胡仁壽廬江人從九品咸豐十年在江蘇殉難

賜卹銀一百兩

縣志

胡彭齡廬江人候選鹽知事咸豐十年在江蘇殉難奉

旨贈布政司都事銜廬一子入監讀書

縣志

胡柏齡廬江人候選從九品咸豐十年在江蘇殉難奉

旨贈鹽運司知事銜廬一子入監讀書

縣志

胡仁爵廬江人議敘從九品咸豐十年在江蘇殉難奉

旨贈鹽運司知事銜廬一子入監讀書

縣志

續修廬州府志 卷三十七 忠義傳三

三

李鳳標廬江人花翎都司咸豐十年攻勦常州高橋陣

亡又五品花翎余其良樂賊被害余其業同死之

縣志

柏生采廬江人六品銜封股瘰癧疾在百花寨團練樂

擒咸豐十年寨破力戰死監生江燭督練勦賊陣亡監

生邢慕堂遇賊不屈死監生盧聲賊至脅降不從罵賊

死朱仁和被執不屈縛置樹上洋槍擊死

縣志

金洛書廬江人咸豐十年率練執旗追賊賊詐敗回擊

陣亡夏宇華傳植厚在南鄉秀山口從練勦擒陣亡王

家繼同子本立與甲禦賊俱死之吳良靖吳良秘吳良

材董康久俱團練陣亡

縣志

王純臣字思賢廬江人監生性鯁直好騎射以武畧聞

於鄉咸豐三年邑城失守賊剽掠四出純臣募勇設圍

浚濠築堡聯西北圩寨爲犄角且耕且守賊無敢犯其

鄉十一年八月官兵收安慶純臣窺賊無固志與兄占

魁具糧糗選子弟之壯健者率以襲賊尾賊至三河遂

圍之三河城小而堅賊死守不能下持久之賊酋陳玉

城以眾數萬至圍純臣內賊復出士卒無所得食純臣

激以大義親冒矢石屢皆奮卒以力竭死其從兄武生

點暨弟泰來姪孫錫齡五品軍功徐立功等均戰歿奉

旨各給卹銀一百兩光緒九年祀昭忠祠並准建專祠給雲騎

尉世職點亦得贈外委

縣志

夏忠弼廬江人六品軍功咸豐十一年與李善道黃秉

續修廬州府志 卷三十七 忠義傳三

古

誠黃蹈義李蔭濃蔡祥珍鮑靜安鮑翠山鮑維城鮑奇

林鮑桂和鮑彩雲鮑謙益鮑心田鮑善述王新益胡福

元均團練勦賊陣亡旌卹祠坊各給卹銀十二兩五

錢

縣志

潘璞號曉菴廬江人廩膳生性謙謹尙氣節咸豐初粵

逆踞安慶官兵進勦三河三河璞故里也因慷慨從戎

爲當道籌進取之策團勇勦賊以功保授訓導咸豐十

一年賊大股由九洲洲西犯璞所部練勇俱潰獨遇賊

於邑城之東度不得脫肆口大罵身被二十餘創僕陸

承恩捍護被殺璞傷重未絕賊退鄉人昇歸不能言索

筆書絕命詩而歿初廬邑大饑道殣相望不遇之徒所

在剽劫璞犯風雪觸鋒刃丐升斗以活飢餓者鄉里德

焉子鼎新勦平粵捻所向有功曾國藩奏摺有云子能

仕而教之忠足見貽謀之善父雖歿而祭於社應推錫

類之仁洵紀實也同治元年卹給雲騎尉世職五年奉

旨建立專祠陸承恩並附祀

通志 朱訪冊

王大元廬江人六品軍功外委咸豐十一年團練勦賊

在三河陣亡給雲騎尉世職

縣志

孫照葵廬江人候選從九咸豐十一年勦賊陣亡卹贈

縣主簿銜廕一子監生

縣志

徐心田廬江人補用把總咸豐十一年從征湖廣陣亡

卹給雲騎尉世職

縣志

續修廬州府志 卷三十七 忠義傳三

圭

夏允材廬江人監生成豐十一年捐資募勇禦捻眾寡

不敵力竭陣亡給卹銀五十兩

通志 縣志

朱芬廬江人監生成豐十一年捻至全家赴水死 旌

卹祠坊

縣志

章圻廬江人貢生性耿直咸豐十一年捻匪脅降不屈

乘閒赴水死張金鑾聞捻至急歸省父母中途遇害僱

工卜二同死文生吳禮敬賊執罵不絕口割舌死監生

李奔嵐賊執脅降不屈死之文生王蕙蘭賊執脅司書

記不從死之均 旌卹祠坊

縣志

夏大任廬江人六品軍功咸豐十一年率練勦賊力竭

陣亡 旌入總祠

縣志

方休廬江人咸豐十一年賊至不屈殉難祀省城忠義

祠

縣志

夏含章廬江人練首於咸豐十一年帶勇勦賊力竭死

之 旌入總祠

縣志

何忠貞廬江人文生成豐十一年率練勦賊被執脅降

不屈死 旌卹祠坊

縣志

汪注之廬江人監生成豐十一年在小馬槽從練擊捻

眾潰被執逼降不從死之祀省城忠義祠

縣志

杜宏勳廬江治馬廠巷人太學生素行孝友咸豐十一

年奉母孀弟避亂母歿省墓故八月遇賊於東鄉脅之

不肯離母墓遂殉難光緒八年從祀本邑昭忠祠以胞

續修廬州府志 卷三十七 忠義傳三

圭

弟春林官贈振威將軍

采訪冊

章邦彥號樵雲廬江人以拔貢

朝考一等官浙江麗水縣知縣初署新昌值修城以費絀

輟工乃捐廉六百爲倡城以完備既補麗水新昌士民

攀轅祖餞製詩頌德麗水地瘠民貧邦彥撫字之民得

樂業正賦以完治獄尤慎嚴治吏胥舞文弊爲一清隣

邑巨猾某爲鄉曲害邦彥白上官治其罪遠近咸悅值

旱澇設賑躬自察巡防慮極周務使實惠及民其去麗

水而再任也民獻還我使君呼甌中莫笑塵生苦正是山城長

父述歡聲還我使君呼甌中莫笑塵生苦正是山城長

綠蕪嗣以病乞休士民號於郡守請留任旋奉諭歸復

授學於外所教士及諸子姪皆有行誼常集前代名言
爲家範世範守令範三篇咸豐三年寇亂居於北鄉石
貓山時勸鄉人團練防勦十一年賊入山脅降不從以
罵賊死年七十二

采訪
冊

俞占魁廬江人字化成太學生好讀書不求聞達風裁
峻整言笑不苟居宅後臨文明河嘉慶二十五年知縣
董梁築文昌壩引水西流以泮池西河道狹隘延商占
魁議以重值購其後宅以濬水路占魁毅然曰以吾數
弓地培一邑風水幸莫甚焉奚議值乃拆臨河舍五間
并捐貲修濬水得暢流道光二十八年歲大祲餓殍
塞道常以錢米夜遺窮乏不使人知咸豐十一年夏遇

續修廬州府志

卷三十七

忠義傳三

七

賊於塘缺河脅之降占魁大罵曰吾不能殺賊報

國抱憾已深豈降賊耶賊怒刃之疾走河濱投水死

縣志

宛光亮字明德廬江人家貧秉讀就耕間里有急難事

輒奔救咸豐十一年春助關河團練賊每臨敵爲練

丁倡擒斬最多三月甲辰擊賊於苦蟲窪眾寡不敵練

卒潰光亮殿被執賊愛其驍勇脅降不從繫梅樹巔有

頃詢之仍不屈置兩足於石曰春之神色自若罵不絕

口乃梟首取心懸血祭亡賊同死者數十人

縣志

陳業滋廬江人知州銜江蘇候補縣丞咸豐十一年帶

勇攻三河陣亡陳奎生同死

縣志

鍾家祀廬江人藍翎從九咸豐十一年團練賊陣亡

議敘九品黃孔懷在甄橋率練禦擒陣亡文生郭良幹
帶練勦賊殉難藍翎千總馬必榮隨征勦賊陣亡藍翎
千總張立功率練攻三河賊壘陣亡陳祖基同死之文
生周啟銓帶練禦賊練潰被執罵賊死金朝瑞從練擊
賊被執凌遲死

縣志

夏執坤廬江人咸豐十一年帶練勦賊陣亡夏其讓夏
會嘉蔡世鼐俱死之又文生凌恩廣築堡拒賊捍衛鄉
里賊攻破一家六人同死武生王金邦賊入村挺身擊
之賊砍斷左腰至死罵不絕口

縣志

邢坤廬江人監生咸豐十一年與議敘九品邢珍邢珮

團練勦賊練潰俱陣亡又武生孫家鑾孫廣武孫廣森

續修廬州府志

卷三十七

忠義傳三

六

俱擊賊同死文生高建瓴團練殺賊練潰被執不屈死

文生陳必達與許定邦團練拒賊陣亡六品頂戴章安

鑄隨征戰死五品軍功高仰山團練勦賊陣亡鄉飲介

賓孫述管禦賊死之

縣志

夏良校廬江人文生咸豐十一年賊至同文生夏銘夏

自發闔家殉難又文生夏金釗賊至闔家殉難又監生

盧國楨馬賊闖家八口殉難

縣志

姚文翰廬江人文生咸豐十一年奉母偕妻避亂賊猝

至脅降不屈與母妻俱遇害又文生戴龍光偕妻死節

縣志

劉煥廬江人文生咸豐十一年罵賊觸怒賊以巨石壓

之復裂死又監生盧文宗賊伐其祖墳蔭樹泣護之遇

害又監生朱方仁賊執脅降不屈死

縣志

孫兆麟廬江人文生成豐十一年罵賊遇害又監生計

樹功罵賊觸怒火槍擊死又文生徐冠廷聞省城克薩

髮遇害

縣志

張光龍廬江人監生成豐十一年率家屬禦賊死又文

生馬三錫被賊執脅降不屈枯掠死武生夏鑾標繫賊

不勝死議敘九品鍾家榮罵賊觸怒被殺監生徐龍被

執脅降不屈遇害監生盧佳霖被執脅降罵賊割舌死

縣志

何叔張監生凌後武監生凌克豐從九徐守振監生盧

續修廬州府志

卷三十七

忠義傳三

九

江人均於咸豐十一年遇賊不屈死

縣志

劉金竹廬江人監生成豐十一年罵賊從容殉難又監

生盧文棠賊執不從枯掠死

縣志

楊德興廬江人增生咸豐十一年負母避難遇賊母子

俱死之

縣志

鍾琨廬江人監生成豐十一年賊執不降遇害又文生

王薰蘭謀討賊事洩死之文生丁應庚罵賊殉節監生

陳粹中遇賊不屈死廩生汪恭灼賊執脅降不從死

縣志

徐運濟廬江人文生成豐十一年被執脅降不屈罵賊

死又歲貢生崔雲梯從九萬恒貴均被執不屈死

縣志

張維綱沈先志均廬江人監生成豐十一年賊至大罵

誓死不從遂殉難

縣志

潘鑾標廬江人花翎五品銜咸豐十一年隨營攻無爲

州陣亡

縣志

戴春華廬江人八品軍功咸豐十一年帶練拒擒被執

死之

縣志

朱實穎廬江人監生成豐十一年同俗生王世輔馬啟

敖在羅家埠勦賊陣亡

縣志

陳榮純廬江人監生成豐十一年從練擊賊臨陣被執

不屈死又把總鍾家佑隨營勦賊力戰死之

縣志

程超文生黃懷珊監生均廬江人咸豐十一年被執脅

降不屈遇害

縣志

續修廬州府志

卷三十七

忠義傳三

十

徐家茂廬江人從九品咸豐十一年被擒執脅降不屈

死徐道容同日殉難又監生張瑞英罵賊遇害議敘九

品吳絳來賊執不屈死

縣志

鍾家杞議敘八品吳松監生均廬江人咸豐十一年遇

賊不屈殉難

縣志

張祖培廬江人六品軍功咸豐十一年從練擊擒陣亡

又九品銜陳克寬率練禦擒死

縣志

趙春華廬江人八品頂戴咸豐十一年團練殺賊被執

死之

縣志

張禹門廬江人文生成豐十一年被執脅充掌書記不

從死之

縣志

吳半江陳富文張誥許慎治均廬江人監生成豐十一年罵賊殉難縣志

祝霖廬江人監生成豐十一年被執降脅以刃投賊觸怒殺之又文生姚繼曾遇賊不屈死監生鄭九思賊至

殉難縣志

江長春劉自新祝光添均廬江人監生成豐十一年被

執不屈死縣志

許文元廬江人六品軍功咸豐十一年團練殺賊被執脅降不屈死又八品軍功楊椿榮督率鄉團禦賊力戰

死之文生吳雲衢賊執脅降不屈死八品軍功葛永春率練勦賊陣亡監生項嵐罵賊桎梏死從九孫一疇遇

續修廬州府志卷三十七忠義傳三

三

賊不屈殉難縣志

程蔭三廬江人六品軍功咸豐十一年率練勦賊陣亡

縣志

許文欽廬江人監生成豐十一年同弟文思團練禦賊

傷亡縣志

汪修倫廬江人監生成豐十一年賊至不屈殉難又有

從九吳世太捻至脅降不從殉難縣志

張桂馨廬江人監生成豐十一年罵賊觸怒桎梏死

熊殿卿廬江人監生成豐十一年衣冠端坐罵賊死

潘巨萬六品軍功潘鵬飛六品軍功潘永祥把總均廬

江人咸豐十一年隨營勦賊陣亡縣志

王必達八品軍功鮑焯文生廬江人咸豐十一年均督練禦賊死縣志

鮑懋高吉士廬江人監生成豐十一年賊執脅降不屈死縣志

徐運洪廬江人監生成豐十一年帶練禦賊被執不屈死縣志

徐兆宏廬江人文生成豐十一年捻至以視擊之遂遇

害縣志

徐梓廬江人文生成豐十一年捻執脅書大旗不從死之縣志

邢紹密徐禹瞻廬江人均監生成豐十一年捻執脅降

續修廬州府志卷三十七忠義傳三

三

不屈死縣志

徐煌文生吳元旦議敘九品廬江人咸豐十一年被執

罵賊死縣志

鍾家元把總洪得玉千總廬江人咸豐十一年均隨營

擊賊力竭死縣志

蔡武期廬江人六品軍功咸豐十一年團練勦捻死之

又外委徐明友隨營差遣遇賊殉難縣志

李榮寬廬江人補潛山縣城守未到任咸豐十一年賊

至在籍團練捍衛鄉里後練潰陣亡又監生許習詩捐

貲團練擊賊死之縣志

曹德豐廬江人監生成豐十一年賊執脅降不從大罵

遇害

縣志

夏學嶽廬江人咸豐十一年被執脅降不屈死又監生

徐斌遇賊不屈殉難

縣志

王根榮廬江人咸豐十一年賊執欲屈之厲聲唾罵死

縣志

許恩關廬江人咸豐十一年隨練勦賊於芮家岡死之

許從箴同死又汪迎舟從練勦陣亡

縣志

孔繁榮孔繁臺廬江人咸豐十一年賊毀其家廟泣涕

手護賊怒并殺之復火其屍

縣志

孔慶興廬江人咸豐十一年城陷巷戰死

縣志

李文鐸廬江人咸豐十一年遇賊被執脅降不從子定

續修廬州府志

卷三十七

忠義傳三

三

邦聞信奔視號泣求以身代賊怒父子同死又張順成

父被賊擄救父遇害

縣志

李春華廬江人業儒咸豐十一年負孀母張氏避亂遇

賊被執春華痛哭不忍去賊怒母子俱遇害同時有郭

雲儒負母避難遇賊不屈死江家鋹賊至負母逃追執

縛樹上剗之至死不屈王立度昂百應李延普均負母

逃難賊迫及力敵死之張大展賊劫其母奮力擊賊母

子俱死

縣志

張孟龍廬江人咸豐十一年賊至剖其父棺泣護遇害

又張克壯守父柩不去被殺

縣志

洪金友廬江人母病侍側賊脅不去死同時有金振春

賊至合家奔散獨以母病不忍逃避遇害又張錫極救

母遇害

縣志

丁守玉廬江人咸豐十一年見賊刃其祖以身翼之祖

孫俱被害又張在山被擄子荒保泣相隨賊怒俱殺之

昂百龍賊擄其父號救觸怒遂遇害郭雲明因母死難

憤擊賊力竭死劉春來守視義父維新疾不去遇害

縣志

夏鳳章廬江人文生咸豐十一年聞兄遇害夜歸收兄

屍被執脅降罵賊割舌死

縣志

夏德宏廬江人咸豐十一年殺賊陣亡

縣志

萬雲深廬江人咸豐十一年賊掠婦女令雲看守雲悉

揮之去賊怒剖腹死

縣志

續修廬州府志

卷三十七

忠義傳三

三

洪殿舉廬江人咸豐十一年罵賊支解死又有姜榮義

罵賊剖腹死

縣志

芮近仁廬江人咸豐十一年奮擊擒匪匪盡裂擒卻

退復哨大股執殺之又有張照起同弟邦德禦賊俱遇

害

縣志

孫貴庚廬江人咸豐十一年見賊脅鄰婦與之鬪力竭

死

縣志

徐倉聚廬江人咸豐十一年同子景茂禦賊俱遇害

縣志

張詩院廬江人膂力過人常集團殺賊咸豐十一年賊

眾猝至攢殺之

縣志

金賈扶廬江人業儒咸豐十一年集四書作討賊文稿

漫遇害縣志

陳慶庚陳慶安廬江人咸豐十一年團練禦賊捐軀又

盧全美被擒執脅降不屈縛置樹上焚死縣志

劉宜高廬江人咸豐十一年賊掠其兄宜山高泣挽不

放賊怒俱殺之縣志

芮大力廬江人咸豐十一年從練勦擒被執支解死縣志

黃自起廬江人咸豐十一年從練禦賊於銅關橋陣亡縣志

縣志

胡發家廬江人咸豐十一年見賊戕其母尹氏發家以

身覆母賊並殺之縣志

黃萬美廬江人咸豐十一年齎送軍營密文赴省中途

續修廬州府志卷三十七忠義傳三

被賊搜獲遇害縣志

宛學有廬江人咸豐十一年在缺口團練先後殲溺賊

擒數百名臨陣中火槍死縣志

宛懋先廬江人咸豐十一年從練勦賊每戰必前驅擒

斬無算旋陣亡同時有李世榮者亦從練勦賊被執不

屈死許遵路從練被擒支解死朱玉玢朱玉連從練勦

賊練潰死之喬濟川同姪業盛從練陣亡縣志

李延常廬江人性至孝廬江父母墓各三年咸豐十一年

隨練勦賊遇害又沈德厚率練擊賊於白湖濱力竭死縣志

高德鄰廬江人咸豐十一年賊執令剖人心烹食不從

遇害又沈濟猛賊執令放火焚屋不從遇害縣志

許明哲廬江人咸豐十一年見賊掠鄰人孤子乘間揮

之去賊覺怒殺之又歐義友許學福見賊肆虐憤擊之

力竭同死縣志

孫雲岫廬江人咸豐十一年賊至雲岫聞途問婦女號

救聲憤往擊賊被執割舌死又王宗海見擒劫其妹極

力救護兄妹俱遇害朱本貴見賊掠鄰女鬪賊揮女逃

賊怒啗服執殺之縣志

朱松茂陳志仁廬江人性皆孝友咸豐十一年禦賊奮

勇當先並遇害又同邑李源清驍勇尚義氣率練勦擒

在黃山口陣亡盛其尙談超凡均率練勦賊陣亡何有

續修廬州府志卷三十七忠義傳三

倉何尊榮隨營守嘉興城陷陣亡許昌隆許仁山隨營

攻賊陣亡縣志

李本極廬江人咸豐十一年賊至肆淫擄本極憤擊之

不勝死同邑徐廣發擒執脅降不屈宮之尋死陳長然

擒執脅降不屈凌遲死王必苞罵賊身受七刃死張蘭

英賊執不降炮烙死縣志

陳如章廬江人咸豐十一年擒執不屈以被絮裹縛樹

上焚死又袁振崑喻志才均罵賊被裹絮焚死夏良才

擒執不屈以火藥焚死縣志

夏瓊英廬江人咸豐十一年賊至其家唾罵不稍屈被

殺縣志

錢應享廬江人咸豐十一年隨營勦賊中礮亡同時有

李文盛隨營勦賊每臨敵必先驅陣亡縣志

向映華廬江人咸豐十一年賊執命作鄉導往攻桐城

弗就道賊怒殺之縣志

張永和廬江人咸豐十一年被賊脅降不屈死縣志

均於咸豐十一年三河勦賊陣亡縣志

寶國羽陳春華廬江人咸豐十一年捻執逼降厲聲大

罵俱不屈死又許永福賊逼不降乘間投水死甯從來

許能發均被執脅降不屈身被重創死縣志

金承矩廬江人性至孝咸豐十一年賊至先負母去俄

聞賊掠其父奔泣謂賊曰吾父老且病乞以身代賊領

續修廬州府志卷三十七忠義傳三

之越日思親欲逃歸賊覺遂遇害縣志

高慶門廬江人咸豐十一年團練勦賊屢有斬獲卒以

眾寡不敵死之王瀛洲王德士陳蘭亭徐大能高銀聚

高德攸同戰死縣志

徐家驕廬江人咸豐十一年捻執脅降不屈械斷十指

罵仍不絕遂遇害子聲痛勸父死泣且罵捻怒亦殺之

蘇文元陳連上陳觀桂俞有和蘇茂三馬鴻山蘇鼎臣

吳章祥廬江人俱咸豐十一年團練勦賊死縣志

劉業祖廬江人嘗以無力殺賊爲憾咸豐十一年同友

人俱被執慟哭大罵賊怒殺之縣志

胡獻舟廬江人咸豐十一年賊至將燬其祠中木主力

拒之桎梏死同時有陳詩祥因父母遇害奮擊賊賊爲

之披靡力竭死縣志

楊春林廬江人倡義集團戰賊於齊王廟陣亡又計樹

穀許慎儀均於咸豐十一年被賊脅降不屈死縣志

李嘉能廬江人咸豐十一年集團殺眾寡不敵死之又

劉雲開劉自有劉元旦團練禦捻陣亡蔡松年團練勦

捻死之蔡連餘王良獻均團練勦捻臨陣力竭不屈死

縣志

危貴榮廬江人驍勇常擊賊咸豐十一年被賊眾兜擒

之逼降不從寸磔死又鍾咸甯鍾家簾鍾維勤鍾家瑞

續修廬州府志卷三十七忠義傳三

鍾家璋胡平之均遇賊被執不屈死縣志

洪正奎廬江人監生成豐十一年同子六品軍功言仁

罵賊殉難又吳道明業儒同弟道昌罵賊殉難又吳道

新吳道平吳守榮均罵賊殉難縣志

盧佳朝廬江人咸豐十一年被執不屈俱遇害

同時有徐兆福者亦被執脅降不從死縣志

張望川廬江人監生成豐十一年年九十四罵賊一忿

而死縣志

王桂林廬江人咸豐十一年從練防堵金牛鎮練潰陣

亡縣志

馬懷魁廬江人咸豐十一年持械拒捻力竭死縣志